

ხელშეკრულება
სახელმწიფო შესყიდვების შესახებ N 01-03-140

ქ. თბილისი

09 სექტემბერი 2019 წელი

შემსყიდველი: სსიპ – მასწავლებელთა პროფესიული განვითარების ეროვნული ცენტრი, წარმოდგენილი ცენტრის დირექტორის ფუნქციების დროებით შემსრულებლის **მანანა რატიანის** სახით;
მისამართი: ქ. თბილისი, გმირი კურსანტების ქ. №4;
საიდენტიფიკაციო კოდი: 202374251;
საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22.

მიმწოდებელი: შპს „პროჯექტ ლაბ“ წარმოდგენილი მისი დირექტორის **გიორგი ლოლუას** სახით;
მისამართი: ქ. თბილისი, წყალსადენის ქ. N7;
საიდენტიფიკაციო კოდი: 400270096;
საბანკო რეკვიზიტები: სს „თი ბი სი ბანკი“, ბანკის კოდი: TBCBGE22, ა/ა: GE83TB7061136080100007

ერთი მხრივ, შემსყიდველი და მეორე მხრივ მიმწოდებელი, ჩატარებული ელექტრონული ტენდერის (სატენდერო განაცხადის ნომერი NAT190016715) გათვალისწინებით, დებენ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. ვალდებულების არაჯეროვანი შესრულება – ვალდებულების ხელშეკრულების პირობებთან შეუსაბამოდ, არასრულად, უხარისხოდ შესრულება.
- 1.3. ხელშეკრულებით ნაკისრი ვალდებულების შესრულების ვადების გადაცდენა – მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

მუხლი 2. ხელშეკრულების საგანი

ხელშეკრულების საგანია სსიპ - მასწავლებელთა პროფესიული განვითარების ეროვნული ცენტრის პროგრამის „ასწავლე და ისწავლე საქართველოსთან ერთად“ ფარგლებში დასაქმებული უცხოელი მოხალისე მასწავლებლების საქართველოში ჩამოსასვლელი ეკონომ კლასის ცალმხრივი 15 (თხუთმეტი) ავიაბილეთის შესყიდვა (CPV-60400000).

მუხლი 3. ხელშეკრულების ღირებულება

- 3.1 შესასყიდი ობიექტის ფასი განისაზღვრება ეროვნულ ვალუტაში;
- 3.2 შესასყიდი ავიაბილეთების საერთო ღირებულება (შემდგომში „ხელშეკრულების ღირებულება“) შეადგენს 26623 (ოცდაექვსი ათას ექვსას ოცდასამი) ლარს;
- 3.3 შესასყიდი ავია ბილეთების შესაბამისად მგზავრობის მიმართულებები, მგზავრის სახელი და გვარი, ასევე თითოეული ავიაბილეთის ღირებულება მოცემულია ხელშეკრულების დანართი N 1-ში;
- 3.4 დაფინანსების წყარო: სსიპ – მასწავლებელთა პროფესიული განვითარების ეროვნული ცენტრის პროგრამა „ასწავლე და ისწავლე საქართველოსთან ერთად“.

მუხლი 4. შესასყიდი ობიექტის ხარისხი

აუცილებელი პირობა:

- ა) რეისებს შორის დრო უნდა იყოს საკმარისი რეგისტრაციისთვის და სასურველია, არ აღმატებოდეს ერთი რეისიდან მეორეზე გადაჯდომისთვის საჭირო დროს. მგზავრებს არ უნდა მოუწიოთ ღამის გათევა. (გარდა იმ შემთხვევისა, როცა აღნიშნული წარმოადგენს გადაჯდომის (ე. წ. connection-ისთვის აუცილებელ პერიოდს,) ასეთ შემთხვევაში ღამისთევასთან დაკავშირებული ხარჯები (სასტუმრო) იფარება მიმწოდებლის მიერ.
- ბ) თითოეულ ბილეთზე შუალედური (სატრანზიტო) ქალაქების რაოდენობა არ უნდა აღმატებოდეს 3-ს;
- გ) სატრანზიტო ქალაქებში არ უნდა მოხდეს აეროპორტის ცვლილება (ფრენის გაგრძელება უნდა მოხდეს იმავე აეროპორტიდან, სადაც მოხდა ჩაფრენა).
- დ) ბილეთის ფასი უნდა შეიცავდეს მინიმუმ 20 კგ-მდე ბარგის და 7 კგ-მდე ხელბარგის ღირებულებას და კანონმდებლობით დადგენილ ყველა გადასახადს.
- ე) ფრენის დროს ავიაკომპანიის მიზეზით წარმოშობილი პრობლემის მოგვარება (რეისის მოხსნა, გადადება, დაგვიანება, ავიაკომპანიის გაკოტრება და სხვა) და ამ პრობლემის შედეგად წარმოშობილი ფინანსური ხარჯის სრულად უზრუნველყოფა, მათ შორის ავიაკომპანიის გაკოტრება/დახურვის შემთხვევაში, მგზავრის დამატებითი ბილეთით უზრუნველყოფა უნდა მოხდეს მიმწოდებლის მიერ.

მუხლი 5. შესასყიდი ობიექტის მიწოდების ფორმა, ვადები და ადგილი

- 5.1 ავიაბილეთების მიწოდება ხორციელდება ხელშეკრულების გაფორმებიდან 1 (ერთი) კალენდარული დღის ვადაში ელექტრონული სახით;
- 5.2 ავიაბილეთები მიწოდებული უნდა იქნეს ელექტრონული სახით, შემდეგ ელექტრონული ფოსტის მისამართებზე: tvakhtangadze@tpdc.ge და tlginbox@tpdc.ge.
- 5.2 მგზავრობის მომსახურება გახორციელდება დანართი N 1 -ში მითითებული გრაფიკით.

მუხლი 6. შესასყიდი ობიექტის მიღება-ჩაბარების წესი

- 6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;
- 6.2 მიღება-ჩაბარების აქტზე ხელმოწერის უფლებამოსილება ენიჭება სსიპ - მასწავლებელთა პროფესიული განვითარების ეროვნული ცენტრის „ასწავლე და ისწავლე საქართველოსთან ერთად“ პროგრამის მენეჯერს თუა ვახტანგამეს. მიღება-ჩაბარების აქტის გაფორმების საფუძველია ინსპექტირების განმახორციელებელი პირის დასკვნა.

მუხლი 7. ანგარიშსწორება

- 7.1 ანგარიშსწორება განხორციელდება მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის განმავლობაში;
- 7.2 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;
- 7.3 საავანსო ანგარიშსწორება არ გამოიყენება.

მუხლი 8. მხარეთა უფლება-მოვალეობანი

8.1 შემსყიდველი ვალდებულია:

- 8.1.1 ხელშეკრულებით გათვალისწინებული ავიაბილეთების მიღებისას საქმის კურსში ჩააყენოს მიმწოდებელი ყველა განსაკუთრებული გარემოების შესახებ;

8.1.2 ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს ავიაბილეთების ღირებულება.

8.1.3 გადაუხადოს მიმწოდებელს ავიაკომპანიების მიერ დაწესებული ჯარიმის ოდენობა (ასეთის არსებობის შემთხვევაში) მის მიერ შემსყიდველისათვის ბილეთების გადაჯავშნაზე ან უკვე შესყიდული ბილეთების ვადის შეცვლაზე მოთხოვნის წარდგენის შემთხვევაში, რომელიც თავის მხრივ გამოწვეულია შემსყიდველისაგან დამოუკიდებელი მიზეზებით;

8.1.4 ამ მუხლის 8.1.3 ქვეპუნქტში მითითებული ჯარიმის ოდენობა უნდა განისაზღვროს მხოლოდ იმ ოდენობით, რაც ოფიციალურად არის დაწესებული იმ ავიაკომპანიის მიერ, რომლის ბილეთებსაც ერიცხება ჯარიმა. ჯარიმის არსებობის ფაქტის დასადასტურებლად მიმწოდებელმა შემსყიდველს უნდა გაუგზავნოს ავიაკომპანიის მიერ ჯარიმის დარიცხვის დამადასტურებელი დოკუმენტი და შესაბამისი ინვოისი.

8.2 შემსყიდველს უფლება აქვს:

8.2.1 შეამოწმოს მიწოდებული ავიაბილეთების შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

8.2.3 მოთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.2.4 მოთხოვოს მიმწოდებელს ნაკლოვანი ავიაბილეთების შეცვლა და ნაკლის აღმოფხვრა.

8.3 მიმწოდებელი ვალდებულია:

8.3.1 დაიცვას ხელშეკრულებით გათვალისწინებული ყველა პირობა;

8.3.2 გადასცეს შემსყიდველს ამ ხელშეკრულების მე-2 მუხლში აღნიშნული ავიაბილეთები შესაბამისი დოკუმენტებით და უზრუნველყოს ფრენის მომსახურების უხარვეზოდ შესრულება;

8.3.3 ხელშეკრულებით გათვალისწინებული ავიაბილეთების მიწოდებისას და ფრენის მომსახურების გაწევისას აცნობოს შემსყიდველს ყველა განსაკუთრებული გარემოების შესახებ;

8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;

8.3.5 საკუთარი ხარჯებით შეცვალოს შემსყიდველის მიერ გამოვლენილი უხარისხო საქონელი და აღმოფხვრას არსებული ნაკლი;

8.3.6 უზრუნველყოს ფრენის დროს ავიაკომპანიის მიზეზით წარმოშობილი პრობლემის მოგვარება (რეისის მოხსნა, გადადება, დაგვიანება, ავიაკომპანიის გაკოტრება და სხვა) და ამ პრობლემის შედეგად წარმოშობილი ფინანსური ხარჯის სრულად უზრუნველყოფა, მათ შორის ავიაკომპანიის გაკოტრება/დახურვის შემთხვევაში მგზავრის დამატებითი ბილეთით უზრუნველყოფა.

8.3.7 შემსყიდველის მიერ დაჯავშნულ ან/და უკვე შეკვეთილ ავიაბილეთებზე უარის განაცხადის შემთხვევაში, დაუბრუნოს შემსყიდველს ავიაბილეთების გადახდილი ღირებულება, ავიაკომპანიის მიერ დაწესებული საჯარიმო სანქციების გამოკლებით. საჯარიმო სანქციის ოდენობა წარმოდგენილი უნდა იყოს დოკუმენტალურად.

8.4 მიმწოდებელს უფლება აქვს:

8.4.1 მოთხოვოს შემსყიდველს მიწოდებული ავიაბილეთების ღირებულების ანაზღაურება ხელშეკრულებით გათვალისწინებული პირობებით;

8.4.2 მოთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

მუხლი 9. ხელშეკრულების პირობების შეუსრულებლობა

9.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.5 %-ის ოდენობით;

9.2 მიმწოდებლის მიერ ხელშეკრულების არაჯეროვანი შესრულების შემთხვევაში მხარეს ეკისრება პირგასამტეხლო ხელშეკრულების ღირებულების 10 (ათი) %-ის ოდენობით;

9.3 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადააჭარბებს ხელშეკრულების ღირებულების 5 (ხუთი) %-ს, შემსყიდველს უფლება აქვს ცალმხრივად შეწყვიტოს ხელშეკრულება;

9.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

მუხლი 10. ხელშეკრულების ინსპექტირების პირობები

10.1 შემსყიდველის წარმომადგენლებს უფლება აქვთ განახორციელონ კონტროლი, რათა დარწმუნდნენ ავიაბილეთის შესაბამისობაში ხელშეკრულებით გათვალისწინებულ ტექნიკურ პირობებთან;

10.2 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა ნაკლის აღმოფხვრა;

10.3 ხელშეკრულებით განსაზღვრული პირობების კონტროლს განახორციელებს სსიპ - მასწავლებელთა პროფესიული განვითარების ეროვნული ცენტრის, „ასწავლე და ისწავლე საქართველოსთან ერთად“, პროგრამის მიმართულების კოორდინატორი ნელი ყარაშვილი, რომელიც წერს დასკვნას ხელშეკრულების პირობებთან შესყიდვის საგნის შესაბამისობის შესახებ.

მუხლი 11. ხელშეკრულების შეწყვეტა

11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი;

11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

11.4 შემსყიდველს აგრეთვე შეუძლია მიიღოს გადაწყვეტილება ხელშეკრულების შეწყვეტის შესახებ:

11.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2 მიმწოდებლის გაკოტრების შემთხვევაში;

11.4.3 საქართველოს კანონმდებლობით გათვალისწინებულ სხვა შემთხვევებში;

11.5 ამ მუხლის 11.4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

მუხლი 12. ხელშეკრულების პირობების გადასინჯვა

12.1 მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;

12.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;

12.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით გათვალისწინებული შემთხვევებისა;

12.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

მუხლი 13. ფორსმაჟორი.

13.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

მუხლი 14. ხელშეკრულების მოქმედების ვადა

ხელშეკრულება ძალაშია ხელისმოწერის დღიდან და მოქმედებს 2019 წლის 31 დეკემბრის ჩათვლით.

მუხლი 15. დავები და მათი გადაწყვეტის წესი

15.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;

15.2 თუ შემსყიდველი და მიმწოდებელი მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვიტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

მუხლი 16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;

16.2 არც ერთ მხარეს აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე;

16.3 მესამე პირთან/პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

16.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;

16.5 წინამდებარე ხელშეკრულება არ შეიცავს რაიმე სიტყვიერ დამატებას;

16.6 ხელშეკრულების დანართები წარმოადგენენ ამ ხელშეკრულების განუყოფელ ნაწილს და მოქმედებენ მხოლოდ მასთან ერთად;

16.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

16.8 წინამდებარე ხელშეკრულების ნებისმიერი ცვლილება ან/და დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია ელექტრონულად ან დამოწმებულია კვალიფიციური ელექტრონული შტამპით მხარეთა მიერ;

16.9 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას ელექტრონულად ან დაამოწმეს კვალიფიციური ელექტრონული შტამპით

მუხლი 17. მხარეთა ხელმოწერები

შემსყიდველი:

მიმწოდებელი:

სსიპ – მასწავლებელთა პროფესიული

შპს „პროჯექტ ლაბ“

განვითარების ეროვნული ცენტრი



მანანა რატიანი

დირექტორის ფუნქციების დროებით
შემსრულებელი

გიორგი ლოლუა

დირექტორი

| № | მგზავრის სახელი და გვარი | მიმართულება | გამოფრენის თარიღები | ბილეთის ღირებულება |
|----|--|--|---------------------|--------------------|
| 1 | ნოემი ლუიზ სუმატი დელამური (Noemie Louise Sumathy Delamourd) | ლუქსემბურგი - თბილისი (Luxembourg-Findel LUX) | 17.09.2019 | 967 |
| 2 | ჰანა მარი თრაუერი (Hannah Marie Trower) | ფინიქსი - თბილისი (Phoenix, AZ- PHX) | 16.09.2019 | 2004 |
| 3 | ემა ენ მამულა (Emma Ann Mamula) | პიტსბურგი - თბილისი (Pittsburgh - PIT) | 16.09.2019 | 1948 |
| 4 | სარა ენ სკერლაკი (Sarah Anne Skerlak) | ბრისბენი (ავსტრალია) - თბილისი (Brisbane - BNE) | 16.09.2019 | 3006 |
| 5 | ზაქარი მილან ერიქსონი (Zachary Milane Erickson) | პორტლენდი - თბილისი (Portland - PDX) | 16.09.2019 | 1956 |
| 6 | ენდრიუ ჯოზეფ მაკკენი (Andrew Joseph McCann) | დარემი (ინგლისი) -თბილისი (County Durham - MME) | 17.09.2019 | 804 |
| 7 | ანტონიო მიმო (Antonio Mimmo) | შტუტგარტი - თბილისი (Stuttgart Airport - STR) | 17.09.2019 | 816 |
| 8 | ჯოზეფ კარტერ ბეკერა (Joseph Carter Becerra) | როლი (ჩრდილოეთ კაროლინა) - თბილისი (Raleigh, North Carolina - RDU) | 16.09.2019 | 1896 |
| 9 | ფილიპ ბრიუს პიურიფოი III (Philip Bruce Purifoy III) | ლიტლ-როკი - თბილისი (Little Rock - LIT) | 16.09.2019 | 2328 |
| 10 | ემი ემარენშა მაიბურგი (Amy Emmarentia Myburgh) | კეიპტაუნი - თბილისი (Cape Town - CPT) | 16.09.2019 | 1680 |
| 11 | ჰეზერ რეილინ ბერნარდი (Heather Raylene Bernard) | იოჰანესბურგი - თბილისი (OR Tambo International Airport - JNB) | 16.09.2019 | 1670 |
| 12 | სამანტა ჯინ დალასიო (Samantha Jeanne Dalesio) | ტამპა - თბილისი (Tampa, FL - TPA) | 11.09.2019 | 1908 |
| 13 | მსა ჯენიფერ ფალენი (Msa Jennifer Faleni) | ისტ-ლონდონი - თბილისი (East London - ELS) | 11.09.2019 | 1884 |
| 14 | ჯეფრი კემენს სილვერმენი (Jeffrey Kamens Silverman) | ცინცინატი - თბილისი (Cincinnati Northern Kentucky International Airport - CVG) | 11.09.2019 | 1956 |


| | | | | |
|------|---|---|------------|-------|
| 15 | ჯეიკობს სლოუნ შელბურნი (Jacobs Sloan Shelbourne) | ჩარლსტონი - თბილისი (Charleston, SC – CHS) | 16.09.2019 | 1800 |
| ჯამი | | | | 26623 |

მხარეთა ხელმოწერები

შემსყიდველი:

სსიპ – მასწავლებელთა პროფესიული

განვითარების ეროვნული ცენტრი



მანანა რატიანი

დირექტორის ფუნქციების დროებითი
შემსრულებელი



მიმწოდებელი:

შპს „პროექტ ლაბ“

გიორგი ლოლუა

დირექტორი

ჩვენ ქვემოთ ხელისმომწერი, ინტერესთა კონფლიქტის თავიდან აცილების მიზნით, გავეცანით „სახელმწიფო შესყიდვების შესახებ“ საქართველოს კანონის მე-8 მუხლს (ინტერესთა კონფლიქტის თავიდან აცილების პირობები და წესები) და ხელისმომწერით ვადასტურებთ, რომ მიმწოდებლის მიმართ (შპს „ჯიოჯი“) ლპარ ვიმყოფებით ინტერესთა კონფლიქტში.


სსიპ - მასწავლებელთა პროფესიული განვითარების ეროვნული ცენტრის დირექტორის ფუნქციების დროებით შემსრულებელი


/მ. რატიანი/

სსიპ - მასწავლებელთა პროფესიული განვითარების ეროვნული ცენტრის პროგრამის ასწავლე და ისწავლე საქართველოსთან ერთად მენეჯერი

თ. 
/თ. ვახტანგაძე/

სსიპ - მასწავლებელთა პროფესიული განვითარების ეროვნული ცენტრის პროგრამის ასწავლე და ისწავლე საქართველოსთან ერთად მიმართულების კოორდინატორი


/ნ. ყარაშვილი/

ვიზირება:

სსიპ - მასწავლებელთა პროფესიული განვითარების ეროვნული ცენტრის დირექტორის მოადგილე


/დ. ხვედელიძე/

სსიპ - მასწავლებელთა პროფესიული განვითარების ეროვნული ცენტრის ეკონომიკური რესურსების სამსახურის უფროსი

ი. 
/ი. მჭისაური/

სსიპ - მასწავლებელთა პროფესიული განვითარების ეროვნული ცენტრის ეკონომიკური რესურსების სამსახურის შესყიდვების ჯგუფის უფროსი


/ნ. გიგოლაშვილი/